

Ego sum resurrectio et vita.

✠ Lécctio sancti Evangélii
secúndum Ioánnem

11, 3-7. 17. 20-27. 33b-45

In illo témpore:

³ Misérunt soróres Lázari ad Iesum dicéntes:
«Dómine, ecce, quem amas, infirmáatur».

⁴ Audiens autem Iesus dixit:
«Infirmitas hæc non est ad mortem
sed pro glória Dei,
ut glorificétur Fílius Dei per eam».

⁵ Diligébat autem Iesus
Martham et sorórem eius et Lázarum.

⁶ Ut ergo audívit quia infirmabáatur,
tunc quidem mansit
in loco, in quo erat, duóbus diébus;

⁷ deínde post hoc dicit discípulis:
«Eámus in Iudæam íterum».

[8-16]

¹⁷ Venit ítaque Iesus et invénit eum
quáttuor dies iam in monuménto habéntem.

[18-19]

²⁰ Martha ergo ut audívit quia Iesus venit,
occúrrit illi;
María autem domi sedébat.

²¹ Dixit ergo Martha ad Iesum:
«Dómine, si fuísses hic,
frater meus non esset mórtuus!

²² Sed et nunc scio
quia, quæcúmque popósceris a Deo,
dabit tibi Deus».

- ²³ Dicit illi Iesus:
«Resúrget frater tuus».
- ²⁴ Dicit ei Martha:
«Scio quia resúrget in resurrectione
in novíssimo die».
- ²⁵ Dixit ei Iesus:
«Ego sum resurréctio et vita.
Qui credit in me,
etsi mórtuus fúerit, vivet;
- ²⁶ et omnis, qui vivit et credit in me,
non moriétur in ætérnum.
Credis hoc?».
- ²⁷ Ait illi:
«Utique, Dómine;
ego crédidi quia tu es Christus Fílius Dei,
qui in mundum venísti».

[28-33a]

- ^{33b} Iesus ergo fréruit spírítu et turbávit seípsum
³⁴ et dixit:
«Ubi posuístis eum?».
- Dicunt ei:
«Dómine, veni et vide».
- ³⁵ Lacrimátus est Iesus.
- ³⁶ Dicébant ergo Iudæi:
«Ecce quómo modo amábat eum!».
- ³⁷ Quidam autem dixérunt ex ipsis:
«Non póterat hic, qui apéruit óculos cæci,
fácere, ut et hic non morerétur?».
- ³⁸ Iesus ergo rursus fremens in semetípso,
venit ad monuméntum;
erat autem spelúnca,
et lapis superpósitus erat ei.
- ³⁹ Ait Iesus:
«Tóllite lápidem!».
- Dicit ei Martha, soror eius, qui mórtuus fúerat:

«Dómine, iam fetet;
quatríduánus enim est!».

⁴⁰ Dicit ei Iesus:

«Nonne dixi tibi quóniam
si credíderis, vidébis glóriam Dei?».

⁴¹ Tulérunt ergo lápidem.

Iesus autem, elevátis sursum óculis, dixit:
«Pater, grátias ago tibi quóniam audísti me.

⁴² Ego autem sciébam quia semper me audis,
sed propter pópulum, qui circúmstat dixi,
ut credant quia tu me misísti».

⁴³ Et hæc cum dixísset, voce magna clamávit:
«Lázare, veni foras!».

⁴⁴ Pródiit, qui fúerat mórtuus,
ligátus pedes et manus ínstitis;
et fácies illíus sudário erat ligáta.

Dicit Iesus eis:

«Sólvite eum et sínite eum abíre».

⁴⁵ Multi ergo ex Iudáeis,
qui vénerant ad Mariám et víderant, quæ fecit,
credidérunt in eum.

Verbum Dómini.